



UPA 2019/pkt. 123

2. april 2019

Aqqa Samuelson

Naalackersuisut kingusinnerpaamik UPA2020-imut Aasianni annertuumik innarluutillit angerlarsimaffiannik pilersitsinissaminnut pilersaarusoqqullugit peqquneqarnissaanik siunnersuut.

(Inatsisartunut Ilaasortaq Stine Egede, Inuit Ataqatigiit).

Naalagaaffiit Peqatigiit inuit innarluutilinnut pisinnaatitaaffii akuerineratigut Nunat tamalaat Nunarput ilanngullugu pisussaaffeqalerput inatsisinik atuutsitsinermikkut inuit innarluutilinnut pisinnaatitaaffiussasoq inuiaqatigiinnullu akuunerannut toqqammaviliisumik inatsisinik atuutsitsinissaminnut. Taamaalilluni qulakkeerneqarsinnaanngorlugu inuit innarluutillit inuttut innarluuteqanngitsutulli naleqarnerat, inuttullu allatuulli illersorneqarnissamut angerlarsimaffeqarnissamullu pisinnaatitaaffeqassasut.

Inuit annertuumik innarluutillit pisinnaatitaaffiisa ilagaat sumi angerlarsimaffeqarnissaminnut pisinnaatitaaffeqarnissartik, sumiiffimmilu toqqissisimallutik angerlarsimaffigerusutaminni pisariaqartitaminnik ikorfartortariaqartut ikorfartorneqassallutik. Tamanna Nunatsinni isorartoqisumi immikkut ittumik periuseqarfiginissaa anguniarneqartariaqarpoq. Nunatsinni sanaartornerup iluani inuit annertuumik innarluutillit eqqarsaatigineqarlutik sanaartortoqartarnissaa illuliortiternissallu inatsisitigut pituttugaasunik qulakkeerneqartariaqarput.

Ullutsinni sanaartornerup iluani illulioraatsit pingaartumillu pisortat inissiaataanni inuit annertuumik innarluutillit najugaqatigiiffinnillu sanaartornerni kikkut tamarmik ornittagaanni inuit annertuumik innarluutillit sanaartornikkut eqqumaffigineqarnissaat pisinnaatitaaffittut allassimavoq. Tassami inuit annertuumik innarluutillit namminneq kissaatigisaminni angerlarsimaffeqarsinnaatitaanerat, ajornaannerusumillu sammisaqarnissamut inuiaqatigiinni pikialaartoqartillugu peqataanissamut pisinnaatitaaffeqarmata. Aasiaat inuit annertuumik innarluutillit najugaqarfigissallugu piukkunaatilittut oqariartuutigineqarnera maluginiarparput, tassuunakkullu tapersiinerput erseqqissaaterusullutigu.

Nunarput tamakkerlugu inuit innarluutillit 60%-iisa missaat Avannaani najugaqarput. Avannaani inuit annertuumik innarluutillit najugaqarfigisartik, ilaquttatik qanigisatillu qanillugit, inooriaaserlu ilisarisisimasartik qimappallaanngikkaluarlugu najugaqarsinnaatitaanissaminnut pisinnaatitaaffeqartariaqarput. Ukiorpassuarni inuit annertuumik innarluutillit Avannaani najugallit allatut ajornartumik najugaqarfigisartik ilaqutariinniillu avissaartillugit nuutsinneqartarput,

INUIT ATAQATIGIIT

Inatsisartuni



assersuutigalugu Ivaqqamut nuutsinneqartarlutik. Avannaaniit Kujataanut nuutsinneqarneq inuit annertuumik innarluutillit “inuunermi sorlaqarfigisaanniit nusuttutut illugit” nuutsinneqartarnerat unitsinneqartariaqarpoq. Taamattumik siunnersuut Avannaani inuit innarluutillit atugarisaannik pitsanngorsaasinnaasoq qularutiginnilarput.

Aasianni inuit annertuumik innarluutillit angerlarsimaffiannik pilersitsinissamut siunnersuut matumani Inuit Ataqatigiinniit tapersorsornartillugu oqaatigissavarput, tassami Aasianni inuit innarluutilinik ukiorpassuarni sullissinermik misilittagallit piupput, tamannalu annertusaavigalugu inerisarluarneqarsinnaanera pissutigalugu siunnersuut tapersorsorlutigut nalunaarutigissavarput.

Taamatut oqaaseqarluta siunnersuutip aappassaaneerneqannginnerani Ataatsimiititaliamut susasaqartumut ingerlateqqinneqarnissaa innersuupparput.